



Broj: 16-12-16-8466-7 /24  
I. Sarajevo, 10.12. 2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 69. stav (2) tačka d) člana 70. st. (1), (2), (4) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2024. godini broj 16-12-16-8466/24 od 10.12.2024. godine, u postupku javne nabavke rekonstrukcije i osposobljavanje postojećeg agregata za potrebe Državne agencije za istrage i zaštitu, direktor Državne agencije za istrage i zaštitu, d o n o s i

## O D L U K U

o poništenju postupka javne nabavke rekonstrukcije i osposobljavanje postojećeg agregata za potrebe Državne agencije za istrage i zaštitu

### Član 1.

Poništava se postupak javne nabavke rekonstrukcije i osposobljavanja postojećeg agregata za potrebe Državne agencije za istrage i zaštitu (u daljem tekstu: Agencija), putem konkurentskog zahtjeva, za koje je obavještenje o javnoj nabavci broj 1161-7-3-326-3-87/24 objavljeno na Portalu javnih nabavki dana 26.11.2024. godine i u „Službenom glasniku BiH“, broj 84/24 od 06.12.2024. godine, iz razloga što primljena ponuda nije prihvatljiva.

### Član 2.

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

### Član 3.

Za izvršenje ove odluke zadužuje se Sektor za materijalno-finansijske poslove Agencije.

### Član 4.

Ova odluka stupa na snagu danom donošenja.

## O b r a z l o ž e n j e

Odlukom broj 16-12-16-8466-1/24 od 20.11.2024. godine, pokrenut je postupak javne nabavke rekonstrukcije i osposobljavanja postojećeg agregata za potrebe Agencije, za koje je obavještenje o javnoj nabavci broj 1161-7-3-326-3-87/24 objavljeno na Portalu javnih nabavki dana 26.11.2024. godine i u „Službenom glasniku BiH“, broj 84/24 od 06.12.2024. godine. Novčana sredstva za realizaciju navedene nabavke obezbijedena su u okviru budžetskih sredstava za 2024. godinu, na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2024. godine („Službeni glasnik BiH“, broj 50/24). Za navedeni postupak javne nabavke predviđeno je provođenje aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 06.12.2024. godine do 13:00 sati, te da se ponude dostavljaju u zatvorenoj koverti, Komisija je dana 06.12.2024. godine u 14:00 sati izvršila javno otvaranje ponude, te je konstatovala da je u ostavljenom roku pristigla jedna ponuda i to:

R/B	Naziv/ime ponuđača	Ponuđena cijena u KM bez uračunatog PDV-a
1.	„ENECO” d.o.o. Istočna Ilidža	31.000,00

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponude, u roku od tri dana, koji je dostavljen ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Komisija je utvrdila da je ponuda ponuđača „ENECO” d.o.o. Istočna Ilidža neprihvatljiva, iz razloga što navedeni ponuđač nije dostavio dokaze iz tačke 2.3.2. i 2.3.3. Konkurentskog zahtjeva i to:

- izjavu kojom potvrđuje da ispunjava sve postavljene uslove iz tačke 2.2. Konkurentskog zahtjeva i

- originalni tehnički list za kontrolnu upravljačku jedinicu iz kojeg su vidljive njene tehničke karakteristike zajedno sa ovlaštenjem za isporuke ponuđene kontrolne jedinice u Bosni i Hercegovini.

Naime, ponuđač „ENECO” d.o.o. Istočna Ilidža dostavio je Izjavu od 04.12.2024. godine, na stranici 33., kojom potvrđuje da kontrolna jedinica AGC 150 proizvođača Deif A/S Denmark prema priloženom originalnom tehničkom listu zadovoljava tehničke karakteristike opisane u tenderu broj 16-12-16-8466-2/24, s tim da je Komisija uvidom u ponudu ponuđača „ENECO” d.o.o. Istočna Ilidža, utvrdila da isti nije dostavio originalni tehnički list koji zadovoljava tehničke karakteristike opisane prema tenderu broj 16-12-16-8466-2/24, a kako je naveo u prethodnoj izjavi. Imajući u vidu naprijed navedeno, Komisija navedenu ponudu nije uzela u dalje razmatranje.

Cijeneći naprijed navedeno, prihvaćena je da preporuka iz izvještaja o radu Komisije, te odlučno da se poništi postupak javne nabavke rekonstrukcije i osposobljavanja postojećeg agregata za potrebe Agencije u skladu sa odredbom člana 69. stav (2) tačka d) Zakona, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

DOSTAVLJENO:

- Ponuđaču;
- Sektoru za mat.-fin. poslove;
- a/a.

DIREKTOR  
GLAVNI GENERALNI INSPEKTOR POLICIJE

Darko Čulum

